

Cu St'andazzu no' ni sarva mancu u Patreternu

Visite: 104587

**Cu St'andazzu No' ni sarva mancu u Patreternu.
di: Er. Ga.**

1) Gesù Cristu chi gridava Nci cuntava a lu Signuri Ca è de tiempu chi penzava Pemmu caccia sti storturi.	2) Tu fhacisti chistu mundu Nci criasti acqua e luci Lu fhacisti tuttu tundu Pe mia fhiciaru la Cruci.
L'acconzasti buoni buoni Nci criasti l'animali E senza fhara cirimuoni Nci fhacisti attri rigali.	Uomu e fimmina fhacisti Pemmu stannu nsanta paci Nommu stannu sempre tristi Li mentisti nta' bambaci.
Nci dicisti sutta vuci "Cca staciti senza veli Nci su tanti cuosi duci No' toccati chigghi meli".	Pua nu jiuornu fhu fatali Quandu Eva nci porgiù Chigghu pumu e fu letali Ca la paci si perdiù.
Nci gridasti cu gran vuci Ti ncazzasti pe' st'offesa Nci volia nu fhampaluci Fhu pe' igghi na sorpresa.	Ed'ognunu si coprìa Combogghjiava li virguogni Nci parìa na fhisserìa E si trovaru nta li fhogni.
Ed'ognunu fhatigava Nc'era sempre nu chiffara Si stancava e si sudava Pe' potira pua mangiara.	10) Si movianu a la rinfhusa Senza reguli e confini E fù chista chiggha scusa Mu li riendi cittadini.
Nda chjiamasti unu ndisparti E nci dunasti li strumenti Supa na petra e no' su carti Scrivisti decia Comandamenti.	Nci scrivisti nomu ammazza Pemmu onora patra e mamma Nomu arrobba o mu si ncazza E nomu cria ncunu dramma.
Nommu avissa mu nci piacìa Donna e arrobba ch'è de attri Nta de igghu pemmu stacia Chisti eranu li patti.	Ti mentisti a lu sicuru Ca si Tu l'Onnipotenti Mu nci penzanu nfuturu E mu ti su' ricanuscenti.
Pua ognunu si nda jiu Pighhjiau strata pe' lu mundu S'avverau lu tua desiu Nugghu fha lu vacabundu.	Ca la fhami sai chi facìa No' ti fhà chjiù ragionara Ed'è chistu chi ti piacìa E li dassasti fhatigara.
Quandu tuttu jia tranquillu E lu mundu progrediù Ncunu ch'era cchjiù arzillu Certu no' si ripentiù.	Fhu a stu puntu chi penzasti E nci dicisti a la Maria Senza fhara attri mpasti Pemmu parturiscia a mia.
Mi mandasti nta stu mundu	20) Mi dassasti fhara tuttu

Pemmu puortu paci e bena Pemmu vijiu s'è rotundu E si la gente è cchjiù serena	Soprattuttu predicara Fhina a quandu fhui distruttu Mentre Tu stavi a guardara.
T'assettaisti a sta poltrona Guardi ngiru nsonnigghjatu Mentre ngiru li ddimona Ogni Statu ha snaturatu.	Quandu mi mandasti nterra No' nd'havìa de chisti mbista Nta stu mundu nc'era guerra Io, fhacia lu moralista.
Ma avogghjia ca parrava E nci cuntava cuosi buoni Mancu quandu predicava Li cangiava sti ddimuoni.	Pe' li strati si gridava S'accusava chistu e chigghu Quandu io mi mbicinava Nci dunava nu cunzigghjiu.
Ncunu vinna arriedi a mia Dassau puru la fhatìga Mi tenìenu cumpagnìa Tra de chisti mai na mbriga.	Luca e Giuanni arriedi a Pietru Attri nove ancora appriessu Jiemu ngiru e metru a metru Priedicavamu progressu.
Pua nu jiuornu mu li sfamu L'abbuttai de pana e pisci Senza fhara nu ricramu Ni nda jimmi lisci lisci.	E la gente ni seguìa Pe' li strati e li paisi Ca lo era lu Messìa Tutti eranu arrimisi.
Pua la vuci si spargiu E d'ognunu m'aspettava Mu accuntientu ogni desìu D'ogni angulu chjiamava.	30) E lu zzuoppu caminava Lu cecatu rividià E la gente m'acclamava Chistu esta lu Messìa.
Lu governu sospettusu Vistu chigghu chi fhacia Mi diciànu ch'è n'abbusu E ca non'era lu Messìa.	M'acchjiapparu cu la fhorza Mi ligaru a nu tripiedi A nu lignu senza scorsa Mi nchjiovaru mani e piedi.
Nc'era ncunu chi ciangìa Ncunu chi si disperava Senza nuggha garanzia Nta na grutta mi mpossava.	Cuomu tu m'havivi scrittu Pe' tri jiuorni stitti gghana E lu mundu fhù nterdittu Ca no' mi trovaru cchjiuna.
Risorgivi de la morta Ma no' vinni dduva a Ttìa Pemmu vijiu de chi sorta Ha mu fhacìmu pulizzia.	È de tandu chi su ngiru Chi mi studiu chistu mundu Chi lu guardu e lu rimiru Succediù nu fhinimundu.
Si mbrigavanu pe' tierri, pe' possuessu de regioni si vidianu tanti sghierri malagente cu latroni.	Cu na bumba nd'ammazzaru De migghjiara de perzuni Puru cu servìa l'attaru S'arrendiù a lu patruni.
S'ammazzaru tanti Ebrei De cristiani lu sterminiu	40) Mi sembrava troppu stranu Fhattu de sti cervelloni

Diventaru fharisei Mu conquistanu dominiu.	Mi fhermai a lu Vaticanu pemmu studiu a situazioni.
Tantu io no' pagu nenta Stara cu sti dirigenti Ca su Ddio onnipotenta E haju tanti appartamenti.	Sta città chi esta eterna Pe' lu mundu fhu d'esempiu Pietru dissa ca è materna Io la truovu ch'è nu scempiu.
Genta sempre nmovimentu Chi si sposta cu la fhretta No' si fherma nu momentu Mancu pe' na sicaretta.	Lu rumuri ti sovrasta Pe la strata ha mu t'arrassi Diventau accussì vasta Tutta chjina de gradassi.
Mi ricuordu chigghu jiuornu Quandu a peda e Betlemme Ni partimmi e senza scuornu Arrivammi a Jerusalemme.	Senza scarpi, senza bici Senza strati già asfaltati Chigghi chi ierumu cchjiù amici Tutti ierumu strosciati.
Quandu Pietru misa peda Nta stu luogu cunsacratu No' penzava ch'era preda Ca m'havia rappresentatu.	Ammazzavanu cristiani Cuomu fhussaru gagghjini Tutti sette li sovrani Fhuru acerremi assassini.
Pua li guierri si spandianu Tra sovrani scanusciuti Puru nta lu Vaticanu Si sentianu mbestialuti.	50) Quantu seculi passaru Nta l'attesa de la paci Quantu ebrei chi massacraru Arrustuti nta fhurnaci.
Cu cercava lu comandu Lu fhacià cu bumbi nmanu Ma la genta no' s'arrenda Pe' nu mundu chhjiù cristianu.	Nc'è cu prega e cu m'implora Mu si fhina stu massacru Puru cu hava malucora E s'ammuccia nta lu sacru.
Pemmu sunu cchjiù criduti E mu gridanu a gran vuci Proponiru prevenuti nu gran Stemma cu la cruci.	Tutti chigghji chi dicianu Ch'era io lu Redentori Chigghu ch'era nu cristianu Perza tutti li valori.
Ed'allora cu comanda Cu na corte tutta arriedi Si compona la sua banda E no' si trovanu rimedi.	E si mangia all'impazzata Arrobbandu all'ammucciuni Na mazzetta programmata Fhatta e tanti patuluni
Nta l'Italia per'esempiu Nc'esta genta chi guadagna Chi de sordi fha nu scempiu E nci para na cuccagna.	Nci su' attri chi de sordi No' nda vida mancu l'ombra Hanu sulu li ricordi No' si sonnanu sti ngombri.
Non'è chistu tantu gravi Quantu chigghu chi ti cuntu Si fhormaru tanti bravi	60) Cu na scorta sempre appriessu Chi protegghia la perzuna No' subiscia nu prociessu

Mo' ti dugnu rendicuntu.	Puru ch'esta na latruna.
E la casa no' si trova Lu lavoru ancora piejiu E' na vera malanova Non'è certu nu gran priejiu.	E non'esta sulu Roma S'è Milanu o s'è Torinu S'esta Napuli o a d'Ancona Nc'esta sempre nu Patrinu.
E' pe' chistu chi t'imploru Mu cangiamu vinna l'ura Mu nci namu nu ristoru A cui viva sta sciagura.	Ed'allora ti proponu Nommu fhai animi nuovi Ma mu cangi sulu donu Pe' li latri, malanuovi.
Cu nesciu nta lu lavoru E cui happa tanti sordi Pemmu perda lu decoru E mu cada ndisaccordi.	Nommu hannu cchjiù na casa Nommu trovanu lavoru Nommu nc'è cu dicia trasa E cu nci duna nu ristoru.
Tutti chigghi milanesi Propi chiggji cchjiù precisi Veneziani e Torinesi Pemmu sunu Calabrisi.	Mentre mbeci li terroni Sia de Reggio o Cosentini Pemmu sunu polentoni E mu diventanu Trentini.
Si nu trenu ha pemmu pigghjia S'ha mu studia o mu lavora Pemmu dassa la fhamigghjia E mu mora e crepacora.	70) Attualmente a stu paisi Sunu sulu l'antenati Chi nci paganu li spisi Mu si fhanu ndottrinati.
Nc'è cu emigra, nc'è cu parta Cu speranza pemmu trova Ncuna porta menza aperta Mu conducia vita nova.	No' nc'è cchjiù nu misi sulu Chi na tassa no' nci arriva Nci la misaru 'nto u culu Esta propi refhurtiva.
Ma lu piejiu non'è chistu Ca la tassa va pagata Ma nc'è sempre n'anticristu Cuomu arriva, è già arrobata.	Ed'allora e sti perzuni Ha mu pienzi chi hai mu fhai Ha mu cangia la canzuni E mu li mienti nta li guai.
Cu n'artrosi nta li mani Na trombosi nta la testa Ca no' su perzuni umani Chista, è genta disonesta.	Io lu vijiu, su d'accordu No' nc'è unu chi nci perda No' si tratta de nu sordu Ca manijianu la mmerda.
Tuna guardi e ti nda fhutti Nci fhai fhara chistu e chigghu A tutti chisti fharabutti No' nci tuorci nu capigghu.	E la chjiesa v'è nmalora Nc'è cu fhutta e s'arricchiscia Cui trovau 'na minnalora E la passa liscia e mbriscia.
Io vorìa mu s'è d'accordu Mu cangiamu chist'andazzu nci dassamu nu ricordu nci ammusciamu ncunu vrazzo.	80) No' nc'è sordu chi nci basta No' nc'è cchjiù nu parmu e niettu Nda vorianu na catasta Mu si inchjianu u serviettu.

<p>Ma no' su sulu li sordi Chi li renda cannaruti Ca de fhimmini su ngordi Certi vuoti . . . travestuti.</p>	<p>E' non'è la lobba scura De nu prieviti o prelatu Chi ti prega e chi t'adùra E chi resta mmaculatu.</p>
<p>Menu mala ca nc'è Ciccio Chi li scova sti latroni Chi ti delega stu mpicciu E si li caccia de' coglioni.</p>	<p>Puru nta lu Vaticanu Nci su tanti fhorchettoni Trovau nu bellu cappellanu Chi lu chjiamanu Bertoni.</p>
<p>Nc'esta n'attru monsignori Chi arrivatu da' Polonia Cu' l'amicu fha fhurori E fa sempre babilonia.</p>	<p>Pua l'Abati de Cassinu Sempe ngiru a fara fhesta Nci scopriru l'altarinu De la vita disonesta.</p>
<p>Ma nci fhuru attri latroni Chi arrobbaru attri miliardi Nta li banchi i cervelloni No' nda fhiciaru riguardi.</p>	<p>Tra lu Mose, l'Alitalia E l'Expò portatu a fhini Rovinaru chist'Italia Sa' mangiaru sti mastini.</p>
<p>E si chistu esta l'esempiu Chi a lu mundu nci dunamu Aspettamuni cchjiù scempiu E pe' chistu ha mu penzamu.</p>	<p>90) No' ti dicu tagghjia tiesti O mu spargi tantu sangu Ma a chisti disonesti Abbanduna nta lu fhangu.</p>
<p>Mu marciscia chista gente Nta la mmerda mu si trova Mu nci pigghjia n'accidente E mu nci vena malanova.</p>	<p>Ma lu sacciu ca si bonu Compensivu e tolleranti No' lu senti stu fhrastuonu Stai sedutu e si distanti.</p>
<p>Pua ti lagni ca la gente No' ti prega e no' t'adora. Ma si tu, chi sini assente E no' guardi a sta dimora.</p>	<p>Puru chigghi a nui fedeli Si nda stanu chjiusi nchjiesa Senza fhara lamenteli No' si rescia nta st'impresa.</p>
<p>E s'ammazza all'impazzata E s'arrobba a dismisura E la gente esta ncazzata Ca non'ha vita fhutura.</p>	<p>Io li sientu sti lagnanzi E sti preghjieri chi mi fhannu Ca ancora hannu speranzi Mu distruggianu st'ingannu.</p>
<p>E' pe' chistu chi ti dicu Chi ti priegu a squarciagola Si no bua ca stu nimicu Nci la stringia e cchjiù la gola.</p>	<p>Ccà lu bonu già scarzija De bontà no' si nda parra Cchjiù si stringia la currijia Cchjiù la genta è cchjiù tamarra.</p>
<p>Mo' chi arriva l'annu nuovu Mo chi Su de compleannu Si lu Vua io nci ripruovu Mu nci cacciu ncunu dannu.</p>	<p>100) Ma lu gruossu de stu dannu Li rovini de stu mundu O Li cacci de' st'affannu O arriva u fhinimundu.</p>
<p>Ma chi esta stu ribieghu</p>	<p>Ma duv'ieri, duva jisti</p>

<p>Sti gridati de cafhoni Ma lu vidi, è vecchjariiegghu Nonostanti è capelloni.</p>	<p>T'ammucciasti puru tuna T'associasti a i socialisti O si ancora na Baruna?</p>
<p>Ma lu sai cu sugnu io E pecchè ngiru no' mi vidi Sugnu sempe ccà cu Ddio E d'è inutili ca gridi.</p>	<p>Pua li cuosi de cui parri Tierri, armi, ranu e sordi Sunu cuosi de tamarri Pe' li gienti chi su ngordi.</p>
<p>E' lu Spiritu mportanti Ed'è a chistu chi ha mu guardu No' sti pòvari migranti Mu li trattu cu riguardu.</p>	<p>Nonostanti tuttu chistu Nui fhacimu riunioni Riguardamu lu rigistru Segnalandu sti latroni.</p>
<p>Io na cosa a capiscivi Fhicia tuttu nta la fhretta Fhicia migghji diversivi Certi, su na barzelletta.</p>	<p>Sette jjuorni nci bastaru Pemmu cria stu mundu stranu Ha mu menta nu riparu Puru nta lu Vaticanu.</p>
<p>Pemmu fhinanu sti guierri Pemmu cessa sta violenza Li conquisti de sti tierri E senza nuggha pestilenza.</p>	<p>110) Pemmu spunta certi lingu La Politica ha mu caccia Ca su tutti malilingui Nci lu lieji nta la fhaccia.</p>
<p>Si cacciava li confini E li culuri de la peggha Si sentienu cchjiù vicini Era cuomu na rugheggha.</p>	<p>Puru tu ricordancillu Ca chist'uomu ch'igghu fhicia No' lu fha stara tranquillu C'hava mu lu benedicia.</p>
<p>Mu nci caccia st'armi a manu Sti pistuoli, sti curtegggha Ca no' portanu luntanu E no' sarvanu la peggha.</p>	<p>Ca l'amuri nta stu mundu Sta cangiandu puru fhorma Lu dassau nu vacabundu E sta jiendu fhora norma.</p>
<p>Uomu e uomu stannu assema E la fhimmina vò n'attra Sunu chisti nu problema La fhamigghjia esta n'attra.</p>	<p>Li ffigghjuoli, puru chisti Mu li fhai nc'è la ricetta Nci su li profhessionisti Chi li fhanu nta provetta.</p>
<p>Senza Patra e senza Mamma No' su fatti cu l'amuri Quandu criscianu è nu dramma Senza fhrati e ne' soluri.</p>	<p>Si tu s'è cu mia d'accordu Non'appena ni ncuntramu Si no' vua mu fhai l'ingordu Mu cangiamu ha mu penzamu.</p>
<p>Si Ddio esta ndisaccordu In minoranza lu mentimu Tantu nui simu d'accordu E sapìmu chi facìmu.</p>	<p>120) Anzi sai chi proponimu Mu fhacìmu na gran festa Tutti Trì mu diventamu Nu Ddio sulu, e cu na testa.</p>
<p>Ca s'è vera la Madonna Gesù Cristu e tutti i Santi</p>	<p>Ed'allora nci dicìmu Guarda Ddio a chistu mundu</p>

Nci vò sulu na colonna Pemmu guida tutti quanti.	Pecchè nui no' ncià fhacìmu Lu quatratu m'esta tundu.
Io n'elencu già lu fhici N'attru lu fhacìmu assema Doppu vai e nci lu dici Nommu crea ncunu problema.	L'essenziali già lu scrissi L'elencai nta stu quadernu Ncuna cosa nci la dissi A lu nostru Patreternu.
Ha mu caccia sti confini Chisti punti cardinali Ca su chisti li rovini E sunu errori madornali	Ha mu scegghjia nu culuri Chjiaru, scuru o coloratu Nommu fhacia sfumaturi Mu esta bellu delineatu.
Ha mu cunta li perzuni Chi hanu tuttu nu culuri Cu pinniegghu e cu sapuni Ha mu fhacia lu tinturi.	Senza nuggghu portavuci Ha mu pigghjia li misuri Pua si sciegghjia Testa o Cruci E nci associa lu culuri
S'è pe' tia no' nc'è problema Pecchè nuggghu mai ti vida Io su jiancu e su l'emblema E' nu culuri chi ravniva.	130) Pua li fhacia belli e sani Buoni e d'induli gentili Nommu sunu cchjiù villani E d'aspettu signorili.
Non'è bellu s'è dui metri E nemmancu s'è unu Nommu sunu cuomu scheletri O mu ha forma de nu prunu.	Cu na panza bella liscia Piedi e mani nta la norma Cu na testa pemmu agiscia Mu lavora e no' mu dorma.
Nommu ha ricchji d'elefanti O lu nasu e fhormichieri Mu hava l'uocchj de brillanti E cerviegghu de' ngegneri.	Nzomma mu esta nu bell'uomu S'è fhimmina de cchjiuna Pemmu è nu galantuomu E la donna na pacchjiuna.
Bell'elencu chi facisti No' nda ndivinasti una No' mentisti moralisti Descrivisti la perzuna.	Ma l'elencu no' finiu No facisti pemmu fhinu Pemmu esprimu lu desiu Pe nu bellu cittadinu.
Ca nta chigghu chi descrissi De bell'uomu e bella donna Nta li noti io li scrissi Mu diventanu colonna.	Eccu cca duv'èta scrittu E non'hava cca mu resta Ca esta luongu lu tragittu Pe' la genta mu esta onesta.
Nommu arrobba e nommu scanna Mu ha pulita la cuscienza E non'hava pemmu nganna Ma mu hava cchjiù pacienza.	140) Cu nu puocu de giudizzu Chi nci menta nta la testa Criscia bellu ca sanizzu E non'èta cchjiù na bestia.
De bontà mu l'inchjia tutti Mu nci nescia de li ricchji Nommu sunu fharabutti	Nommu guarda li gunniegghji Soprattuttu chigghi e l'attri Mu producia cornutiegghji

Tradituri o diavulicchji.	E mu prolifhica fhiggjiastri.
Mu nci duna nu sorrisu A tutti chigghi nivuriegghj E mu li porta mparadisu Ca no' sunu crapettiegghj.	Pemmu trova vrazza fhuorti Chi l'abbrazza e cui lu sfama Pemmu trova li cumpuorti E na fhimmina mu l'ama.
Pe' cui arriva de luntanu Chi abbanduna chiggha guerra Mu lu tira ncuna manu Mu lu porta supa a terra.	Pe' cui zzappa cu lu picu E li cagghji l'hava duri No' po' stara de rimitu Mu si stujia li suduri.
Ca si guardi bonu ngiru Nc'è cu sfrutta chista storia Si cumporta de vampiru E no' vajia in'istruttoria.	Ogni tantu si nda vida Ncunu bellu e figurinu Prontu pemmu si ravvida Chi protenda a lu divinu.
Si tu pienzi ch'èsta giustu Nci portamu stu messagghiu E si Ddio nci prova gustu Cangia tuttu cu coragghiu.	150) Capiscisti puru tuna Ca lu tiempu è chigghu giustu Ca si stu mundu l'abbanduna Certu aumenta lu trambustu.
Era ura pemmu arrivi Nta sti jiuorni de la fhesta Pemmu vieni mu mi truovi Mo', t'assietti a la mia destra.	E mi dici chi successa Pecchi jisti sempre ngiru Dimmi ch'è chi t'interessa E chi ti leva lu respiru.
Ncuna cosa già la ntisi E ncun'attra ma dicisti Ca li gienti su arrimisi Ca su troppi l'affaristi.	Ti sembrava nsonnigghjiatu Assettatu a sta poltrona Afflosciatu e ribusciatu E ca no' sientu cu li trona.
Ed'ambeci io ti dicu Ca li ricchji l'hajiu buoni Ca no' sugnu io l'anticu E ca no' fhazzu cirimuoni.	Io li fhici pemmu stanu Pari pari nta sta terra Ma m'accuorgiu ca lu sanu Pemmu fhanu ncuna guerra.
De cca supa io lu vijiu Qu'è chi ammazza e qu'è chi spara Puru quнду sambatijiu Ma pemmo' li dassu stara.	Aspettava propri a tia Mu mi fhai lu resocuntu Tu chi ieri lu Messìa Lu pigghjasti ncunu appuntu?
Io, de quandu sugnu ngiru Assistivi a tanti cuosi Ed'è randa lu tragiru Cca, li cuosi su mostruosi.	160) Ti cunzignu chista lista De li cuosi chi hai mu fhai E no' fara u moralista Guarda ngiru quantu guai.
Io lu sacciu ca tu guardi E ca ti truovi duva vua Li canusci sti bastardi	No' nc'è jiuornu senza muorti O senza ncunu chi è chi spara Nci su tanti gienti stuorti

E ca sunu cazzi tua.	No' si puonu cchjiù cuntara.
Cu ti chjiama onnipotentia Cui lu nome ti cangiàu Puru chigghu ch'è cridentia Cuomu Pietru ti 'ngannau.	Pemmu vidi ancora miegghjiu Ti portai sta cosa nova Vistu ca si vecchjariiegghu E hai bisuognu de na prova.
Si tu mungi stu buttuni Ti collegghi cu lu mundu Truovi tutti sti latruni Vidi ch'è nu fhinimundu.	Si ti stanchi pemmu ndaghi E mu cierchi sti latroni, Nc'esta chista chi ti svaghi Ch'esta na' Televisioni.
Dunancillu ncunu sguardo Mentre mangi e stai sedutu Ca lu truovi nu bastardu Chi ti dassa stravortutu.	Si l'immaggini chi vidi Ti scunvorgia cora e menta Senta tutti st'omicidi De la genta ch'è violenta.
Pua li vidi tutti quanti Ndinocchjiati e mani giunti Chi ti sembranu preganti Ma ti sparano nta' fhrunti.	170) Penza mo' chi s'ha de fhara S'ha mu tuornu n'attra vota Si la puozzu addirizzara Chista gente mu è devota.
Ti ringraziu de sta lista Chi facisti cu pacienza E ca fhusti moralista Senza mancu n'imprudenza.	Lu studiasti bonu bonu Stu paisi e chistu mundu Senza mancu nu fhrastuonu Fhusti tu nu giramundu.
Tuttu chigghu chi scrivisti Senza nughu malucora Meritanu st'affaristi Sulu mpiernu e pìrgatora.	Nci lu dissi a chjiara vuci Nomu arrobba e nomu ammazza Ma ti fhiciaru la cruci Chiggha, fhù na brutta razza.
Io penzava mu li dassu Mu miglioranu stu mundu Nesciu fhora nu scuncassu Fhiciaru nu fhinimundu.	L'havìa fhattu ntelligenti Cu n'aspettu giovanili Ma si fhiciaru violenti Cchjiù animali ca civili.
Ogni tantu nci lu mandu Ncunu segnu d'obbedienza Chi non'esta nu comandu Ma nemmenu provvidenza.	M'accorgivi puru io Ca finanche l'affiliati No' si mportanu de Ddio E vannu sulu sbirgognati.
Ca s'arrobba nu ncamatu Pemmu sarva la fhamigghjia No' po' essere imitatu De cu po', de cchjiù mu pigghjia.	180) Puru tu nci lu dicisti ca mangiara nda pe' tutti Ma mi sa ca i cumpundisti Ca su tutti fharabutti.
Chisti attrezzi chi portasti Pemmu guardu miegghjiu ngiru Mungiu e mungiu chisti tasti E no' nc'è n'attimu e respiru.	Chigghi leggi chi nci scrissi No' li guarda nughu cchjiuna Mancu chigghj crucifhissi Si li preganu i perduna.

L'attru jiuornu caminava Pe' la strata spenzieratu E na scatula volava Chi mi ntisi spaventatu.	Guarda tu chi prepotenza E chi facci de gagghjina No' nc'è cchjiù na riverenza Cca la gente è libertina.
Vuogghjiu propri pemmu vijiu Duva arriva chista scienza O si hajiù mu i castijiu Si la pierdu la pacienza.	Nci dunai nu mundu nteru Terra, acqua, fhuocu e luci Ma no' fui tantu severu E ti nchjiovaru supa a Cruci.
L'attra vota mu l'abbisu Nu tsunami nci mandai Ha mu sugnu cchjiù precisu Pemmu smettanu sti guai.	Ca s'azionu li vurcani Terremuoti fhriddu e jielu Nci li cacciu chisti smani Fhazzu propri nu splacelu.
E sta vota no' lu fhazzu Pemmu pata tanta genta Li dirigiù e cu n'abbrazzu Sarvu a cu no' ncintra nenta.	190) Io da Mafia mi sbarazzu De la Ndrangheta e Camorra E si perdura chist'andazzu Ammazzu tutti sti pitorra.
Cuomu fhici cu Ercolanu Cu Pompei e attri posti E nci mandu n'uraganu Si non'hajiu li risposti.	Ca cu cinnara e lapilli Io l'arrustu tutti vivi Nci li stringiu li tonzilli Nci li dugnu i diversivi.
E si nta lu Vaticanu Nci su ancora rephurtivi Io nci mandu n'uraganu Pemmu cacciu st'abusivi.	Pe cui arrobba a lu governu E i mangiapana a tradimientu Già segnati a stu quadernu Io nci mandu nu turmientu.
Pe' tutti chigghj chi cangiaru La fhamigghjia ch'esistia Lu fhuturu esta amaru Ca senza fhigghji è muscerìa.	Ma si vuonu stara assema E mu si tenanu pe'manu No' nda fhazzu nu problema Ma no nta lu Vaticanu.
Ca pe' chistu io li fhici Mu s'accoppianu cu amuri Pemmu sunu li radici De li fhigghji nascituri.	Na fhamigghjia è na fhamigghjia Cu nu patra mamma e fhigghji E non'è na meravigghjia Chisti sunu li cunsigghji.
Io nci pienzu n'attru puocu Ma v'abbieru ca a stu giru No' la pigghjiu cuomu jiuocu Ma vi cacciu lu respiru.	200) Mo' chi simu tutti uniti Chi facimu ha mu penzamu Ca si bui mi suggeriti, Pigghjiu e fhazzu n'attru Adamu.

Personaggi:

Trinità – Padre, Figlio e Spirito Santo.

Padre: Signore

Gesù Cristo

Spirito Santo

